

**ZAPISNIK SA III SJEDNICE UPRAVNOG ODBORA
UDRUŽENJA POSLODAVACA U FBiH**

održana dana 21.10.2025. godine, sa početkom u 12:00 časova ON - LINE putem ZOOM -a

Na sjednici su prisustvovali: Nihad Imširović, Adem Hanić, Bahrija Huseinbegović, Berina Bajrović, Damir Vidačak, Džemal Hasković, Edin Emšo, Igor Marković, Katarina Kafadar, Ladislav Bevanda, Mahmut Galijašević, Mujo Hasić i Salih Lemeš.

Sjednici su po ovlaštenju prisustvovali: Ramiz Mušić (po ovlaštenju Senada Džambića).

Na sjednici nisu prisustvovali: Bariša Šušnjar, Haris Ćoralić, Samir Mustafić, Nagib Mujkić. Tomislav Vrdoljak, Mehta Nikil Himatlal i Zijo Tanjo, koji su opravdali svoj izostanak.

Na sjednici su pored članova UO I ESV-a za teritoriju FBiH prisustvovali i članovi predsjedavajući grupacija za djelatnost, kao i predsjednici kantonalnih Grupacija.

Ispred UP FBiH sastanku su prisustvovali: Mario Nenadić, direktor, Mersiha Jusić, sekretar, Amra Duvnjak Halilović, referent za projekte i Vedrana Živković, PR

Sjednicu je otvorio Nihad Imširović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje Zapisnika sa I koonstituirajuće sjednice UO UPFBiH;
2. Usvajanje zapisnika sa II sjednice UO
3. Informacije o aktuelnim Zakonima koji su od interesa za poslodavce i definisanje prioriteta;
4. Granski Kolektivni Ugovori i predstojeće aktivnosti;
5. Priprema plana obilazaka i rada kantonalnih grupacija (posjete, skupštine, aktivnosti);
6. Donošenje Odluka o imenovanju/reimenovanju Pravnog i Ekonomskog Savjeta UPFBiH;
7. Informacija o pripremama za završnu Konferenciju na temu „ Ekonomske reforme i industrijska perspektiva: izazovi i prilike bh. privrede u 2026. godini“;
8. Izvještaj o (novom) članstvu, plan aktivnosti i inicijative za širenje članstva po kantonima i granama
9. Tekuća pitanja;

Dnevni red je u potpunosti usvojen.

RASPRAVA PO TAČKAMA DNEVNOG REDA

Tačka 1. Usvajanje Zapisnika sa I koonstituirajuće sjednice UO UPFBiH;

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 1.1. Zapisnik sa I konstituirajuće sjednice Upravnog odbora je jednoglasno usvojen.

Tačka 2. Usvajanje zapisnika sa II sjednice UO

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 2.1. Zapisnik sa II sjednice Upravnog odbora je jednoglasno usvojen.

Tačka 3. Informacije o aktuelnim Zakonima koji su od interesa za poslodavce i definisanje prioriteta;

Predsjednik UPFBiH Nihad Imširović i direktor Mario Nenadić naglasili su u okviru ove tačke Dnevnog reda između ostalog, naglasili su prioritet na donošenju fiskalnih zakona, odnosno Zakonu o fiskalizaciji transakcija, Zakonu o doprinosima te da se. Istakli su da prema najavama iz Vlade FBiH, očekuje se uskoro upućivanje Zakona o fiskalizaciji transakcija u zakonodavnu proceduru, a potom i donošenje propisa o doprinosima sa konačnim ciljem da se doprinosi smanje što bi za poslodavce predstavljalo održivije i dugo očekivano rješenje ka poboljšanju poslovnog okruženja.

Drugi set zakona odnosi se na radno-pravno zakonodavstvo, odnosno na Zakon o radu, Zakon o posredovanju u zapošljavanju i Zakon o zapošljavanju stranaca. Naglašeno je da je radna grupa UPFBiH radila na komentarima na Zakon o radu te da je pripremila sveobuhvatan materijal koji je dostavljen resornom ministarstvu. Očekuje se da većina komentara UPFBiH budu uvažena u konačnom tekstu Zakona.

U pripremi je i sjednica ESV-a na kojoj se očekuje, u skladu sa zaključcima sa ranijih sjednica, prezentacija izmjena Zakona o zdravstvenom osiguranju. Cilj zakona bi bio smanjenje troškova-broja dana bolovanja na teret poslodavaca.

Članovi UO informisani su i o trenutnom statusu propisa iz oblasti trgovine, odnosno Zakona o unutrašnjoj trgovini, donošenje Zakona o kontroli cijena i Zakona o zaštiti potrošača.

U raspravi su učestvovali svi prisutni nakon rasprave donesen je sljedeći zaključak:

A.d. 3.1. Vezano za set fiskalnih Zakona UPFBiH će i dalje insistirati da Vlada ispoštuje dogovor da set zakona iz oblasti fiskalizacije usvoji do kraja godine.

A.d. 3.2. Vezano za Zakon o radu ovlašćuje se Predsjednik da u komunikaciji sa direktorom sastavi delegaciju ispred UPFBiH, te da zatraže još jedan sastanak sa ministrom Adnanom Delićem, na kojem bi još jednom razgovarali o primjedbama UPFBiH na Zakon o radu.

Tačka 4. Granski Kolektivni Ugovori i predstojeće aktivnosti;

U okviru ove tačke dnevnog reda Direktor UPFBiH Mario Nenadić je predstavio informaciju i o granskim kolektivnim ugovorima. Kazao je da je Udruženje tokom ove godine sa reprezentativnim sindikatima potpisalo četiri kolektivna ugovora i to za djelatnost drvne i papirne industrije, tekstilne, kožarsko-prerađivačke, gumarske i industrije obuće, proizvodnje i prerade metala kao i za oblast cestovnog prometa.

Novi kolektivni ugovori čije potpisivanje još uvijek nije pokrenuto odnose se na djelatnosti građevine, trgovine i hemije i nemetala.

Također je istakao je da je nakon potpisivanja Kolektivnog ugovora za djelatnost proizvodnje i prerade metala nastao problem u vezi sa njegovom primjenom na kompanije u većinskom vlasništvu Vlade FBiH te da socijalni partneri na inicijativu Vlade FBiH razmatraju modalitete rješavanja.

Nakon rasprave u kojoj su učestvovali svi prisutni donesen je sljedeći zaključak:

A.d. 4.1. Zbog specifične situacije i reakcije Vlade i pojedinih članica Udruženja, kompanija u većinskom državnog vlasništvu daje se ovlaštenje rukovodstvu udruženja i imenovanom pregovaračkom timu da se nastave razgovori sa sindikatima uz neki od modela uključivanje Vlade FBiH u pregovore u skladu sa dogovorom sa Vladom.

Tačka 5. Priprema plana obilazaka i rada kantonalnih grupacija (posjete, skupštine, aktivnosti);

Predsjednik UPFBiH Nihad Imširović predstavio je Upravnom odboru plan terenskih obilazaka s ciljem unapređenja komunikacije i rada kantonalnih grupacija i neophodnih izbornih procesa upravljačkih tijela po kantonima. S tim u vezi, najavljeni su sastanci u ZDK, USK, SBK, TK a potom i HNK i ZHK.

U diskusiji su učestvovali svi prisutni.

A.d. 5.1. Članovi Upravnog odbora su jednoglasno usvojili predloženi plan obilazaka odnosno održavanja izbornih Skupština u Zeničko-dobojskom i Unsko-sanskom Kantonu, redovnih skupština u Srednjo-bosanskom i Tuzlanskom kantonu te osnivačkih Skupština u Hercegovačko-neretvanskom i Zapadno-hercegovačkom kantonu.

Tačka 6. Donošenje Odluka o imenovanju/reimenovanju Pravnog i Ekonomskog Savjeta UPFBiH;

Članovi su raspravljali i o donošenju Odluka o imenovanju/reimenovanju Pravnog i Ekonomskog savjeta UPFBiH. Direktor je obrazložio UO da pravni i ekonomski savjet unutar UPFBiH djeluje i zasjeda, međutim održane imenovane osobe su napustile kompanije iz kojih su imenovane, neki su već u penziji, te da je potrebno pravni i ekonomski savjet osvježiti i imenovati nove osobe umjesto onih koji su neaktivni, a postojeće aktivne zadržati.

Obzirom da nije bilo konkretnih prijedloga na sjednici donesen je zaključak.

A.d. 6.1. Ovlašćuje se predsjednik i direktor da predlože nove članove pravnih i ekonomskih savjeta i donesu Odluke o imenovanju.

Tačka 7. Informacija o pripremama za završnu Konferenciju na temu „ Ekonomske reforme i industrijska perspektiva: izazovi i prilike bh. privrede u 2026. godini“;

Vezano za ovu tačku dnevnog reda direktor Nenadić upoznao je članove o pripremi završne konferencije u okviru projekta „Radimo zajedno“ na temu „Ekonomske reforme i industrijska perspektiva: izazovi i prilike bh. privrede u 2026. godini" koja ima za cilj otvaranje dijaloga o ključnim ekonomskim reformama, industrijskim trendovima i prilikama koje očekuju bh. privredu, a na kojoj bi učestvovali privrednici, predstavnici institucija, sindikata, akademske zajednice, kao i predstavnici međunarodnih i domaćih organizacija. Konferencija će se održati 13.11.2025. godine u Sarajevu u hotelu Hills.

U otvorenoj diskusiji članovi Upravnog odbora su podržali ovu inicijativu.

A.d. 7.1. Članovi UO su podržali Inicijativu i zadužili stručnu službu da nastavi sve aktivnosti vezano za organizaciju događaja.

Tačka 8. Izvještaj o (novom) članstvu, plan aktivnosti i inicijative za širenje članstva po kantonima i granama

Direktor Nenadić je članovima predstavio i izvještaj o novim članicama UPFBiH, kao i plan aktivnosti i inicijative za širenje članstva po kantonima i granama. Članovi UO su pohvalili kvalitetan rad UPFBiH i podržali najavljene aktivnosti na omasovljavanje članstva

A.d. 8.1. Članovi UO su dali podršku predsjedniku i direktoru da i dalje rade na omasovljavanju članstva.

Tačka 9. Tekuća pitanja

Pod tekućim pitanjima predstavnici grane tekstila izložili su probleme koje opterećuju tekstilnu industriju. Povećani su troškovi rada, primijećen pad produktivnosti radne snage, povećan broj bolovanja kao i nemogućnost povećanja prodajnih cijena. Članovi su sa razumijevanjem prihvatili informaciju o problemima u tekstilnoj industriji i naglasili da slični problemi guše i druge grane industrija u FBiH te ih čine nekonkurentnim na domaćem i EU tržištu, što će se prema procjenama dodatno pogoršati početkom iduće godine odnosno početkom primjene CBAM politika-karbonske takse, novih politika u oblasti boravka naših radnika u inostranstvu, digitalizacije i drugo.

Predloženo je da Udruženje organizuje tematsku sjednicu sa predstavnicima vlasti s ciljem analize trenutne situacije i pronalaženja održivih rješenja za postojeće i buduće izazove u bh. privredi.

Pod tekućim pitanjima također se raspravljalo o AMUS

Dana 14.10.2025. godine u „Službenom glasniku BiH“, broj 60/25, objavljen je Poziv Asocijacije kompozitora – muzičkih stvaralaca (AMUS) na pregovore za zaključivanje kolektivnog ugovora sa reprezentativnim udruženjima korisnika autorskih prava u BiH.

Poziv je upućen udruženjima koja okupljaju korisnike muzike u poslovno prodajnih prostora, trgovačkim lancima i tržišnim centrima, a rok za prijavu na pregovore je 30 dana od dana objave. Članom 24. Zakona o kolektivnom ostvarivanju autorskih i srodnih prava („Službeni glasnik BiH“, br. 63/10) definiše se postupak i sadržaj kolektivnih ugovora. Ovim članom je propisano da kolektivna organizacija (npr. AMUS) sklapa ugovor sa reprezentativnom udrugom korisnika nakon pregovora, a ako takva ne postoji, reprezentativnost se utvrđuje prema broju članova i stepenu organiziranosti. Kolektivni ugovor se može zaključiti i sa pojedinačnim korisnikom ako on jedini obavlja određenu djelatnost.

Ugovor obavezno sadrži odredbe o tarifama i osnovici za obračun, uvjetima korištenja djela, okolnostima u kojima se naknada mijenja ili oprašta, rokovima i načinu naplate te pravilima za privremene tarife.

Član 25. Zakona predviđa da kolektivne organizacije objavljuju pozive za pregovore i zaključuju ugovore sa reprezentativnim udruženjima. Kolektivni ugovor potpisan na ovaj način ima obavezujuće dejstvo za sve korisnike u određenom sektoru, a ne samo za članove potpisnika. U Hrvatskoj (Zakon o autorskom pravu i srodnim pravima, NN 111/21) kolektivne organizacije (HDS ZAMP) redovno zaključuju ugovore sa udruženjima hotelijera, ugostitelja, trgovaca i dr. U tim ugovorima se definišu tarife i kriteriji (veličina prostora, broj sjedišta, prihod), što omogućava povoljnije naknade za privredu. EU Direktiva 2014/26/EU propisuje transparentnost kolektivnih organizacija i fer pregovore sa udruženjima korisnika.

Ukoliko se poslodavačka udruženja ne uključe u pregovore, postoji opasnost da AMUS jednostrano nametne tarife, da ugovori zaključeni sa manjim brojem udruženja budu obavezujući za sve, te da članice UPFBiH snose troškove koji bi mogli biti značajno viši od realnih.



Ono što smo mi imali u nekom prošlom periodu i naše preporuke i ideje, iako nikad kao Udruženje nismo potpisali ovaj KU ali su bile ideje da se UPFBiH i odnosno Grupacija (trgovina, hotelijerstvo, ugostiteljstvo) u proces pregovora sa AMUS-om.

Učešće UPFBiH u pregovorima ima za cilj da se zaštitili interesi poslodavaca i spriječilo nametanje nepovoljnih uslova od strane AMUS-a.

Sjednica završena u 14:00 sati

Zapisnik vodila: Mersiha Jusić

Predsjednik Upravnog odbora

Nihad Imširović